

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Iudices remissos idolis similes esse.

urn:nbn:de:hbz:466:1-45686

perium, quod ille ab *socero*, volente *Adriano*, adoptatus accepit? Indigna res est, opes, nobilitatem, aut cognationes feminarum ita in viros dominari. Et tamen dominantur! Apud viros, qui hæc adorant, feminis licet, quidquid libet. Nihil timent, quæ pecuniæ faciunt timendas. Et dudum *Satyricus* dixit:

Intolerabilius nihil est, quam femina diues.

XII.
Diodo. lib. 16.

Baruch. 6. 13.

Isa. 40. 23.

Isa. 36. 6.

Rom. 13. 4.

Philipo Macedonum regi Pausanias stipatorum vno, mortem intulit, quod, cum de stupro, sibi ab Attalo cognatus illius illato, apud eum quereretur, non vindicasset. Quid Deus faciet illis regibus, aut principibus, aut magistratibus, apud quos, in occasionem iustitiae exercendæ, tot supra adulteria, & omnis generis nefaria flagitia accusantur impunè? qui similes sunt idolis inauratis, seu Deo ficto, qui Deus non est. *Sceptrum autem habet, ut homo*, ait Baruch, *sicut judex regum, qui in se peccantem non interficit. Habet etiam in manu gladium, & securim; se autem de bello & à latronibus non liberatur. Dum judici tali idolum, etiam utique idolo iudicem Propheta voluit comparare. 1. Idolum inane est, & deceptio, non refugium miserorum: punit Deus resplicas, qui, vnde Isaia loquitur, dat secretorum scrutatores, quasi non sint; judices terra, velut inane fecit. Ex inani dolio, aut scypho quis bibet? ab inani judice, quam impetrabis æquitatem? Inani qui nititur arundine, leditur, non fulcitur. Sic qui nititur principe iustitiam negligente. Ecce confidis super baculum arundineum confractum istum, super Aegyptum: cui si innixus fuerit homo, intrabit in manum eius, & perforabit eam: sic Pharaeo rex Aegypti omnibus, qui confidunt in eo. 2. Idolum sceptro superbit, sed nulla est in eo potestas: in judice tali, quasi nulla potestas esset, ira ea non vitetur. Mortuum judicamus hominem, in quo motum nullum videmus: nec iudex est iudex, qui in se peccatum non interficit; aut quidam portat, & vita necisque habet potestatem; neque tamen eam audet usurpare. Olim Romanis Consulibus fasces virginum securesque præferebantur; & hodie qui habent merum imperium, ijs gladius nudus præportatur, in signum, ad hoc esse principes, ut pacem publicam conseruent, & vita communis honestatem societatemque tueantur. Qua de causa, vii probos*

probos lege, laude, præmijs prouocant, ita boni publici turbatores plectunt. Quod ni faciunt, bona publicum ipsi turbant atque euertunt; instarque idoli, sceptrum gerunt, titulo, non regno, superbi: nomine reges, factis serui; non vsu, sed ostentatione gladij duces; siquidem neque se, neque alios *de bello* & à latronibus liberant; belli ac latronum nutritores. Quare non tantum judices isti, *velut idolum inane* sunt; sed eiam sceptro & gladio, se judices esse ostiuntur; & quod peius est, gladium in ipsius Reip. viscera conuertunt; dum eo, non innocentes, sed reos defendunt. Defendit enim flagitia jude^x, qui non puniit. *Vnde vobis notum sit, quia non sunt dii, tales scilicet judices;* Baruchi 6. 14.
ad veros enim duntaxat judices illud pertinet: Ego dixi, dii estis, Psal. 81. 6.
itemque: Deus stetit in Synagoga Deorum; si non sunt dii, veri, necesse est idola eum adorare, qui illos adorat. 3. Suspectos se reddunt, qui adulteria vitiaque eiusmodi sinunt esse impunita. Pronum enim est illis, qui, *in quo alias iudicant, se ipsos condemnant*, judicijs abstinere. Immò libentius castitatis amantes, & flagitio non consentientes, per calumniam, ad tribunalia citabunt.

Talis erat uterque Susannaeus senex *judicans iudicia iniusta,* XIII.
innocentes opprimens, & dimittens noxios. Hi Susannam mori Dan. 13. 53
potius, quam in flagitium consentire volentem, malitiosissime accusarunt, cum se ipsos accusare debuissent. Sed ita est, saepius a reis accusantur innocentes, quam ab innoceatibus rei: & multi judices, vnde iustitiae administranda haberent occasionem, inde sibi sumunt causam æternæ damnationis. *De quibus locutus est Dominus: Quia egressa est iniquitas de Babylone, a semioribus iudicibus, qui videbantur regere populum.* Ili enim ipsi, rei sunt, qui reos iudicare deberent. Sed seipso suntque similes non iudicant; cum, ut rectè Anacharsis dixit, leges, apud illos, similes sint telis aranearum, in quibus muscae hærent, validiora animalia peruolant; viduæ, pupilli, pauperes, si quid commiserunt, severissime puniuntur: nullæ iuvant preces, nulla valet excusatio: si diuites, si potentes decies idem fecerunt, non attinguntur, quasi leges non omnibus scriptæ essent; aut patibula tantum pro paruis furibus erigerentur; & Magistra-

H h h

tus

Ibid. v. 5.
 Laërt. I. 1. c. 3.
 Val. Max. I. 7.
 cap. 2.